



QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum, die Iovis
 vigesima-septima Februarii.*

M. CLAUDIO PERRAULT, Doctore
 Medico, Præsides.

Est ne lac sanguis dealbatus?

I.

LAC nutritioni recens nati infantis natura sic adornat, ut quod in quovis alimento præcipuum est, non difficilem præbeat ventriculo coquenti operam. Nec tamen quo melius id præstet, ideo vires omnes adhibet quibus ad humores coquendos instructa est: sed ut cujusque aut nascentis aut nondum nati corpusculi varia fert indoles, ita majorem aut minorem curam impendit in præparatione ejus alimenti, quod cuique conveniens est. Nam credibile est illam quæ in ipsis vitæ primordiis sanguinem perfecte elaboratum fœtui pusillo subministrat per proprios canales umbilico insertos, eam ipsam subinde liquorem non ita accuratum intra annii tunicam effundere, jam grandiusculi ore attrahendum: tandem non absimilis genii succo sed minus adhuc defæcato mammas implere in editi & tunc vegetioris infantis alimoniam. Nempe sapiens illa omnium parens & educatrix cujusque vires cum in fœtu, tum in infante perpendens, præcipua & ardua opera rudibus ne committat, ea penè confecta tradere studet, utcumque tamen perficienda relinquit; ut longa tandem consuetudine partes tentata sapius ea munera, quæ ipsæ per sese nullo duce post partum edituræ sunt, edoceantur. ventriculum enim nullo tyrocinio

informatum, & laborum suorum inſcium verita ad opus vocare extemporaneum, ejus infantiam imprimis erudire ſatagit, inchoata in amnii ſucco, deinde in lacte ſua penſa diſtribuendo, quæ chyloſeos integræ, propria induſtria, demum à lacte depulſo ſuſcipiendæ, velut typum & exemplar exhibere, atque adeo partis illius inter principes non ultimæ, vim inſitam promovete valeant.

I I.

NI HIL ferè differt inter lac & chylum quam quod ſanguinem junioris fœtus inter & maternum; ſubſtantia, temperies, color, ſapor, uſus his ut illis penè ſimilis: aliqua tantum præparatione ac levi coctione diſcrepant. Maternus ſanguis fœtui deſtinatus ſparſas per placentæ carneam molem ſubit radices vaſorum umbilici, quæ meſenterii vicem in fœtu novello peragunt, ut præparata ibi materia ſanguini perſciendo ſubminiſtretur. Eodem modo nutricis chylus lacti conſciendo dicatus meſenterium, jecur, pulmones, cor & mamma-rum vaſa pervadens, glandularum quæ appoſitæ ſunt vi perſicitur, & ſuccus evadit infanti amicus, facilis negotio in ſanguinem mutandus. Sed quemadmodum fœtus junior matris ſanguine vel optime elaborato non alitur, quin prius partium ſanguinis opificum veluti domeſticis focis admotum ipſe proprium effecerit. Ita lacti omnibus chyli dotibus inſtructo coctionis tamen in lactentis ventriculo complementum quoddam accedat neceſſe eſt, ut peculiari chyli puerilis nota inſignitum propriis ſanguinificationis organis acceptum eſſe poſſit.

I I I.

NON quivis in vaſis contentus humor ſanguis eſt, per vias iſtas publicas non utilia tantum invehuntur alimenta, cænum quoque & ſordes exportantur. Ipſæ etiam partes alibiles non unius generis ſunt. Quibuſdam coctis jam & rubro ſanguinis caractere notatis, aliæ crudæ & adhuc ex chyloſi albeſcentes promiſcua permixcentur. Hæ nempe pulmonum folles & infeſtorios lebetes nondum expertæ, nondum in ſanguinis officinis vero nutritii humoris ſigillo obſignatæ, interim dum id conſequantur, partium corporis quarundam imperfectarum ſpuria nutritione plerumque abſumuntur, & in pinguedinem, pilos, ungues, cuticulam; brutis in cornua,

caudam, atque jubar abeunt; ac si quibus mulieribus non la-
stantibus redundaverint, cephalalgia, catharri, sputationis,
aliorumque affectuum causae evadunt inedia potissimum re-
cendendae. Famineum siquidem genus edax, jecoris & cordis
calore imbecillo ventriculi coctione magis viget, ac vasa hu-
more plurimo distendit, sanguine paucio; parciore vero dum
utero gerit; quo tempore calor & spiritus circa uterum novis
occupati ministeriis consuetum sanguinis opificium segnius
perficiunt: tunc etiam mammae convenientis materiae oppor-
tunitate sui muneris admonentur, lac tamen non multum ge-
nerant, & statim à partu pravam, ac tandem nullum; pro va-
ria aut ad uterum, aut ad mammas, aut ad cor caloris & spiri-
tum conversione; nutritiori quippe potissimum nunc fetus,
nunc infantis, nunc matris per alternas vices incumbentium.

I V.

CHYLUS sanguinis & lactis communis materia est, sed
non tanta chyli ad procreandum sanguinem facilitas
quanta proclivitas est ad lactis coctionem. Sanguis ex chylo
plurimo longa & operosa coctione incrassato non copiosius
educitur, oblitteratis pene omnibus quae in cibis fuerant viri-
bus: lac vero iis parum mutatis plurimum & statim fit ab im-
becillo calore ex chylo dilutior, de cibis qui in paucissimum
& tarde sanguinem mutantur ut oleribus, praesertim lactuca,
fabis, aquae etiam potu liberaliore, tum ab otio atque eda-
cite. At contra quaecumque sanguinis citum moliantur opus
mammas lacte non distendunt: mulieres quippe solida ac dura
carne praeditas; jusculis carniarum, vino & exercitatione uten-
tes, & quae non sunt voraces, puri sanguinis cumulare magis,
lactis minus suppeditare videas; quod licet optimum sit, co-
pioso tamen & livescenti, non semper anteponendum.

V.

SAPIENTIOR est natura quam ut aliquid frustra ex
sententia moliantur: nec vero necessariis opibus adeo super-
fluit ut earum citra noxam ferre possit temerariam profusio-
nem. Scilicet operosam in sanguine conficiendo operam, ca-
lorem nativum ludere, & debitos substantiae nobiliori conatus
in deteriorem & minori molimine parabilem impendere nec
debet, nec fieri potest ut sanguinis tanta copia lactantes singu-

lis diebus minuuntur, nullâ, ut contingit, virium jacturâ. At ductus desideras quibus chylus ad mammas deferatur: credo si canales per quos bilis insanientibus rapiatur in cerebrum, aut serum perveniat ad renes cum Democrito, Asclepiade & Heraclito adhuc investigas, si materiam nutriendis oculorum humoribus & siccioribus ossium partibus variè destinatam per ejusdem generis tubulos fluere posse nondum intelligis, & sola secretionem ex diversis sed promiscuis humoribus singulos in singulas partes derivari, si non advertis quibus usibus tot & tam variâ per universum corpus sparſæ glandulæ inserviant, si nescis spongiarum more laudabiles succos quasdam sorbere & effundere, alias sædam tergere illuviem, & quemadmodum in glandulis ventriculi, intestinorum, mesenterii, pancreatis, cutis, noxii humores per arterias errantes intercipiuntur, sudore, secessu aut vomitu, ut in naturali & quotidiana, sic & in artificiosa expurgatione eliminandi. Ita & in amnio, in mammis, in pericardio, in ore, & in aliis partibus quasdam reperiri, quarum nonnullæ vix cadunt sub aspectum, & tamen per eas utiles & eximii liquores stillent. Omnino nisi sanguinem in serum, in sudorem aut in eos qui per catharsim educuntur humores mutari contendis: non est cur velis substantiam illam naturæ delicias atque decus generosos spiritus deponere & suâ purpurâ contumeliosius exui in lactis generatione.

Ergo lac non est sanguis dealbatus.

Proponebat Parisiis CLAUDIUS JOANNES-BAPTISTA DODART,
Parisiinus Baccalaureus Medicus. A. R. S. H. 1687.

P A R I S I I S,
Apud Franciscum Muguet, Regis & Facultatis Medicinæ
Typographum.